


滿洲名臣傳 卅一下



內閣文庫	漢書	二三五	一六〇	三八函
架	冊	號	冊	架

內閣文庫	漢	2305	冊數	160 (62)	函號	290 43
------	---	------	----	------------	----	--------



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

命漢陽郡大學士專務于二月晉
庫

諭曰朕素聞爾居官操守甚好巡撫江西時

誠實地方甚有裨益及任兵部尙書清勤恪

真者每加優獎今朕以機務重大資爾料理

爾計遵旨供職不必固辭時恭纂
聖祖仁皇帝實錄以漢充總裁官雍正元年

賜詩一章有蓼蕭多雨露應及老成人之句
三年七月以病乞解任從之先是江西南昌
吉安撫州饒州四府有落地利稅銀千三百餘
兩各以大使征收漢以官役費浮于稅不免
苛征將四處稅銀停征巡撫司道公捐銀代
完假造商民名冊報部稅大使已無識掌仍
舊設立後任相沿辦理未奏至是江西巡撫
汪澹奏其事並請裁汰大使
上諭大學士等曰此項稅銀不應征收則白

潢當奏請于

聖祖仁皇帝施恩豁免若係應征則令商民
完納何得公捐完課曲示私恩似此沾名邀
譽豈人臣事君之道至汪澹凡事不能處理
而行乃將白潢所行悖理之事奏聞冀朕批
示爾等同九卿詢問回奏尋奏白潢沾取虛
名擅變舊例應嚴加議處汪澹妄行竄奏亦
應察議部議白潢照溺職例革職汪澹降二
級調用課稅仍照舊例征收稅大使不得于

額外勒索從之乾隆二年漢卒三年九月
上諭原任大學士白潢向在巡撫任內尙有
清廉之名告休後緣事革職今聞病故著給
還大學士銜以示優待大臣之意

都敏列傳

都敏滿洲廂紅旗人姓他塔喇氏先世居扎
庫沐地曾祖阿爾布尼天聰三年率丁三百
來歸授世管佐領遜傳至都敏襲順治二年
都敏隨副都統羅璧追流賊李自成至延安

府賊犯我輜重敗之又擊卻其守城兵迎戰
者是年

上遣入旂官兵分防順德濟南德州臨清徐
州潞安平陽蒲州八城都敏駐平陽旋改駐
西安三年漢中賊賀珍來犯敗之大兵之定
湖廣也明鄖陽總兵王光恩降至是以罪逮
繫其弟光泰據鄖陽叛都敏隨侍郎哈哈木
進征光泰遁追至房縣斬賊千餘五年逆回
米喇印丁國棟叛據甘州都敏隨陝西總督

孟喬芳勦平之六年八月叛鎮姜瓖党僞總督韓昭宣等陷蒲州喬芳攻復其城都敏偕總兵耿應魁追擊四十里復勦賊于南山先後斬三千餘級追薙解州敗賊渠張五党自成等九月至夏縣堡兒村斬賊將雷鳴米蘇柴廷然等生擒洪守範等十五人攻運城克之斬昭宣十一月同叅將胡進忠等于閩帝嶺斬賊二千有奇追至芮城賊逆戰陣斬僞知縣薛勤王復其城又敗賊兵于北原復平

陸縣八年二月叙功授雲騎尉世職兩遇

恩詔遞授騎都尉加一雲騎尉九年三月回京授吏部理事官三次考滿俱列一等十五年隨寧南靖寇大將軍洛託等征貴州明桂王朱由榔之總兵羅大順迎戰于十萬奇嶺屢敗之十六年七月授叅領十八年五月授西安右翼副都統詩自成餘党劉二虎郝搖旂袁宗第等竄據山寨爲四川患康熙二年都敏同將軍富塔禪總督李國英進巫山趨

陳家坡破賊巢二虎奔天池寨偕妻妾縊死
搖旂宗第遁至黃草坪追拏之復獲僞東安
王朱宗漢僞部院洪有鬻等四年正月叙功
加二等輕車都尉五年五月卒
賜祭葬如例子蘇敏襲世職

荆山列傳子德音附

荆山滿洲正白旗人姓費莫氏康熙二十五年
由監生補禮部筆帖式尋任本部讀祝官
二十八年遷太常寺寺丞三十九年遷戶部

員外郎四十四年擢太常寺少卿四十六年
晉本寺卿五十年轉大理寺卿五十二年授
禮部右侍郎五十三年調戶部充纂修

玉牒副總裁官五十四年四月署倉場侍郎
事務七月疏言泗州等衛糧艘在通州張家
灣遭風損十一隻沉米五千餘石內河向無
題豁例但今歲北河水發風大溜急無異江
河請

賜豁免

上允之十一月疏陳漕運倉糧事宜一漕艘至濟寧臨清等處河水淺阻請交山東撫臣派司道督催出境一水次兌糧向有樣米及船到起卸迥不相符皆運丁偷米攙糠所致請令該糧道將各倉兌米一袋鈐封到淮漕督拆驗加封底通日臣等率坐糧廳對驗起卸一漕糧掛欠例將弁丁留通勒限賠補逾限不完者發回本省陸續追取搭運甚為繁滯請卽于本年發回令速賠補一京通厥座

號房多坍或以蔣園收米何堪久貯請派滿漢堂官各一揀選賢能司官估料修造限內倒壞原辦賠修九卿會議如所請奉旨依議五十五年閏三月順天永平二府饑奉

命監視散賑六月授禮部尙書五十六年三月卒

賜祭葬如例謚端簡子德音由內閣中書遷侍讀康熙五十二年擢內閣學士六十年授



山西巡撫雍正元年四月以匿報平定州壽陽徐溝等縣旱災又不停征部議革職尋授內閣學士因巡撫任內州縣虧欠錢糧逾限未完降一級調用七年卒

石文焯列傳子禮哈附

石文焯漢軍正白旗人康熙三十二年由監生授江南松江府同知三十八年遷蘇州府知府四十三年遷甘肅洮岷道五十三年調貴州貴東道五十五年丁母憂五十八年補

江西饒九南道五十九年遷江西按察使六十年五月署福建將軍六月署福建巡撫十一月授安徽布政使雍正元年三月擢河南巡撫六月疏報沁黃並漲黃河北岸馬營口等處隄埝多有塌陷桃園口支河三道引溜北趨南岸蔣家寨水逼大堤工俱危險各飭河員搶修無虞得

旨南北岸隄工捍禦有方殊屬可嘉九月疏言黃河經行豫省千餘里自滎澤以下南北

隄工均應加謹防守查江南臨河州縣有同
知通判專司河務河南所設同知通判管轄
數縣隄工而辨料募夫皆責之州縣必得勤
幹之員經理查祥符滎澤中牟鄭州陳留隄
陽儀封商邱考城虞城武陟陽武原武封邱
十四州縣皆有隄工應請定調補之例于本
省現任官員內擇廉能調補三年內能盡心
辦理工程平穩者題陞以示鼓勵下部議行
二年正月疏言豫省各案虧空追比年久無

可變贖者自今年爲始將臣衙門所有司道
規禮府州縣節禮及上下各衙門一切節壽
規禮盡行革除以杜州縣藉口之端以塞上
司勒索之路遵例令各知府遴委賢員將州
縣銀櫃封驗眼同拆封將正項卽行起解使
經征官絲毫不能侵挪所有耗羨每兩約一
錢三分通計全省耗羨銀四十萬兩有奇除
各官酌量給以養廉及各項雜用公費悉于
此支給外每年約餘耗羨銀十五六萬兩解

貯司庫亦補虧空及辦公之用至各官俱有
養廉足資上司不至苛求屬吏州縣不至挪
移庫項勒索之弊除而公帑亦長無虧缺矣
疏入

上嘉納之七月疏言開封府轄四州三十縣
河南府轄一州十三縣汝寧府轄二州十二
縣地方遼濶請改設直隸州分轄將開封府
屬之西華商水項城沈邱分隸陳州臨潁襄
城鄆城長葛分隸許州密縣新鄭分隸禹州

榮澤滎陽河陰汜水分隸鄭州其原武延津
均任河北原武就近歸懷慶府管轄延津就
近歸衛輝府管轄河南府屬之靈寶閿鄉分
隸陝州汝寧府屬之光山息縣固始商城分
隸光州從之是時浙江海潮泛溢仁和等十
六縣田廬破滯

命文焯署浙江巡撫恤災民九月疏言臣
抵浙確勘災民戶口委員監賑查煮賑浮費
甚多弊端不一且小民日赴廠食粥路有遠

近扶老攜幼更多不便臣與布政使佟吉圖
細加商酌每大口日給穀四合小口二合人
給三月口糧無穀之處照時價折給各委大
員以次賑完其平湖奉化定海嵎縣永嘉五
縣海寧二衛雖被災分數不符蠲賑之例然
水淹之苦同一情形酌給兩月口糧以廣
皇仁至衝決塘隄已飭各地方官修築以禦
鹹潮所有舊築土塘應請改建石工其一切
修砌善後事宜現在確查估計奉

旨此事當再三斟酌若修砌石隄一勞即可
永逸則速議改建假如勢小土隄亦可堵漫
勢大雖石隄亦不能抵敵何必曠日持久多
爲糜費也文焯又疏言臣親歷海塘查勘今
年風潮原屬僅見是以塘工不能捍禦隨分
委大員將應修處丈估詳議土石塘工俱仍
舊制興修至原係土塘請改石工之處海潮
勢大難保無虞不敢輕議舉行

上以文焯前後奏互異毫無定見交新任巡

撫法海議奏十一月調西安巡撫三年調甘肅巡撫四年二月疏言茶法原以裕課裕課必先便商臣查商人赴楚買茶之船票必開載該商等引目茶數以爲沿途照驗俾無阻難再查舊例每引一道運茶百觔以五十觔交官貯庫易馬五十觔給商變賣償本外有附茶二三十觔以爲運費今商人運茶至潼關廳官盤驗每引祇許過茶百觔附茶不准入陝應請照會典每茶千觔准帶附茶四十

觔又陝西向設洮州河州西寧等五司賣茶每年眾商聞定司分以杜避難就易之弊其地僻茶多不能盡售者請准呈改別司發賣接濟新引庶茶法得以疏通議如所請又言各省軍犯俱發河西及平慶臨鞏四府各衛充伍今各衛俱爲州縣祇有赤金靖逆大通三衛若充發太多恐致疎縱請照河東各衛歸併各府管轄之例令該州縣專管庶無疎虞從之尋疏請裁平涼固原慶陽臨洮河州

蘭州岷州七衛西固一所各千總歸州縣管
理下所司議行五月以不能拘留參員噶爾
圖追祭完項部議草文焯職又追議文焯前
署浙江巡撫時蠲賑平湖五縣海寧二衛所
雖經奏明未具本題報應請草任奉
旨從寬草職留任尋因文焯子石禮哈爲廣
州將軍勦平狝苗有功
上推恩文焯
賜還原職五年六月以承審四川夔州府知

府程如絲販私傷人一案錯誤

命永停給俸十月疏言平涼府屬西路同知
及塩捕通判俱駐劄寧夏從前寧夏未經改
設郡縣是以掛平涼府衙今寧夏已改衛設
府其同知所管驛站錢糧通判所管塩務俱
由寧夏道考核應請改隸寧夏道府下以專
考成從之是月以柔儒耳聾

召回京六年二月授禮部右侍郎三月調吏
部左侍郎五月授兵部尙書十月調禮部尙

書八年六月

諭曰石文焯原係無知庸材自內陞以來諸
凡退縮毫無踴躍奮勉之心著革職以原品
在入旗井田督率効力行走九年署直隸馬
蘭鎮總兵十年總理
三陵事務十三年正月卒子石禮哈由直隸
正定府同知捐納道員雍正元年改授正定
協副將二年遷貴州威寧鎮總兵三年署貴
州巡撫

上以其年少屢加

訓諭先是雲貴總督高其倬奏准移大定協
弁兵分駐廣順州所屬長寨遮貢羊城壘等
處四年四月長寨神苗阿草阿紀等糾眾揚
言不容安設營汛壘石阻路總督鄂爾泰調
兵勦撫石禮哈偕提督馬會伯親往督兵進
擊直搗長寨於阿草阿紀及其黨阿搗阿撈
七十餘人遮貢羊城壘五十七寨均乞降乃
宣諭悉歸故業安營設汛而還事

聞

詔獎石禮哈臨時果敢交部議敘加三級並
賜還其父文焯巡撫原職見前傳五月擢廣
州將軍十一月抵任遣員採買廣西米石接
濟旂營自備銀一萬兩充運脚費部議叙加
二級五年六月以遵
旨會鞫道員李濱抹頸玷職一案誤聽供詞
指稱巡撫楊文乾逼勒所致奉
諭詰責六年三月楊文乾疏奏署羅定州知

州李達德因清查肇慶府知府楊以寧虧項
至將軍署謁見石禮哈不能以禮貌接待縱
役凌辱

上原其過猶小免究七月

諭曰石禮哈與楊文乾皆寔心任事之大臣
但恃才自用俱欠和平二人不睦于地方無
益石禮哈着調補福州將軍十二月

欽差通政使留保等至廣東疏劾石禮哈在
廣州日子正白旗人戶壯丁小衛屢犯竊逃

並不緝拿治罪又標兵朱國用等四名爲盜
石禮哈旣不將失察各官據寔查察竟扶同
倒提年月詳草名糧應治其徇情疎縱之罪
詔該部嚴察議奏尋議照溺職例革職從之
七年正月
特授廂白旗漢軍都統七月以大軍分路進
剿準噶爾
命石禮哈爲北路叅贊大臣十三年還京補
廂紅旗漢軍都統乾隆二年奉

旨石禮哈每以不知爲知舉止乖張不勝其
任着革去都統在散秩大臣上行走不必食
俸四年以不勉力行走
命革職發往軍台効力贖罪七年釋還十二
年卒

德明列傳

德明滿洲廂黃旗人姓卦爾察氏康熙三十
七年由閒散考授兵部督捕司司務三十九
年遷光祿寺署正五十五年遷戶部主事雍

海濱各目傳卷三十一
正元年晉本部員外郎三年晉郎中四年二月遷直隸布政使十一月擢山西巡撫賜孔雀翎五年六月遷刑部尙書充律例館總裁八年二月疏言外任官交代錢糧皆戶部專司查核以杜侵虧惟駟道交盤錢糧動撥欸項雖案存戶部而交盤向不報核因各省駟站供應夫馬糧料兵牌勘合均在兵部每年奏銷例由兵部核覆止將餘銀數知照戶部不無兩相影射請嗣後各省奏銷仍在

兵部核銷外其陞轉離任交盤錢糧造具四柱清冊送戶部核對不符者即行文駁查則錢糧得以歸一不肖官吏不得乘機舞弊又疏言臣部爲刑名總滙設立南北監羈禁罪犯司獄係微員責成綦重今雖設滿漢司獄八員僅供收發管束誠難一日虛懸凡司獄缺出部選遠省人員到任需時以致員缺久懸請嗣後漢司獄缺出俱以人文到部之員製補

命下之日即可到任至陞遷之法滿司獄舊
經臣部題定三年無過卽陞惟漢司獄必俸
滿方准應陞請漢司獄亦照滿司獄例三年
無過以應陞之缺用俱下部議行五月調戶
部尚書十年六月卒邊疏入得
旨德明老成練達謹慎和平簡任司農正資
倚任忽聞溘逝深爲惻惻着加太子少保銜
應得卹典察例具奏尋
賜祭葬如例諡端勤

魏經國列傳

魏經國漢軍正白旗人由熱河把總累遷至
守備康熙五十年

特擢通州副將

上以經國家貧

賜銀五百兩

命子姪隨任五十七年擢江南蘇松水師總
兵五十八年調天津總兵六十年六月遷湖
廣提督赴熱河請

訓適兵部引

見大選官員

上命經國近前令舉所知

命會同步軍統領選京營守備千總帶楚補用雍正元年奏稱到任後將一應陋規盡行裁革飭令各營修器械勤操練得

旨湖廣通省被五六庸夫敗壞賴爾一人幸保無事厥功不小三年加太子少傅調補江南松江提督尋加兵部尚書銜世襲騎都尉

四年疏言江省竊案較他省獨多緣財賦之區商旅輻蕩加以支河小港易于藏奸晝潛夜出難以稽查臣設巡船遣目兵輪流巡緝并飭通省水陸各營一体巡查盜風庶可少息得

旨該管協營悉飭令寔力爲之五年八月疏言臣于湖廣提標中營守備魏瓚荆門營遊擊魏琨奉

旨命臣攜至江南以遊擊守備題補臣長子

魏墳業荷

特恩淮補臣標中營守備請以次子魏琨

賜補泰州營遊擊臣感

聖主矜憐令臣父子同任一方是以冒昧題

請下部議從之十二月奉

旨魏經國由未弁屢次超遷用至提督朕聞

伊在楚聲名甚好加恩優待因松江地方緊

要將伊調補乃伊沽各鈞譽求悅於人以致

湖廣營務廢弛卽在松江從未奏地方利弊

一事亦未舉劾一人所長不過操守一節其

屬官弁兵賢不肖皆相安而昵愛之故京師

祿道者多觀其行事寔足爲政事人心之害

着草太子少傅尙書銜并世職回京另用六

年授廂紅旂漢軍都統七年正月署直隸古

北口提督閏七月請改石匣營遊擊爲順義

營遊擊石匣營中軍守備爲順義營中軍守

備並增撥兵丁三百名駐順義務清河把總

駐牛欄山順義把總駐楊家莊從之九月疏

言熱河一帶地方路通各口建立
行宮四方貿易絡繹不絕近省貧民俱托足
餬口臣親歷河屯營十汛見人烟稠密戶口
殷繁外來遊民蝟集遊閒滋事者不少理事
同知一員約束難周熱河迤東一百八十里
地名入溝接連蒙古行商多聚於此最爲繁
雜請增設通判巡檢等官與同知分管海東
河西部議從之八年二月疏言武職親丁各
糧前經河東督臣田文鏡奏准馬步各半各

省一体遵照臣查各省營制大率馬二步八
然有馬糧甚少僅供差防者有祇設守糧無
馬糧者有設馬步戰糧無守糧者如武職親
丁各糧俱准馬步各半行之河東二省自必
相宜若概以爲例似難通行請將馬糧甚少
與祇設守糧之營按馬步各半之數以二步
抵一馬聽提鎮臣酌定至于祇有馬步戰糧
並無守糧如古北提標石匣新營各員所食
步戰糧較之馬糧祇少草豆乾糧其餉數無

異似應照馬二步八留作養糧亦與馬步各
半之數相等一變通間寔于軍務有裨得
旨覽魏經國所奏有不得不因地制宜之勢
其言甚爲明晰着直省督撫提鎮各就本地
營伍情形酌議並下部知之八月疾作
遣御醫賞藥往視十月卒遺疏入

論曰魏經國歷練營伍操守潔清向蒙

聖祖仁皇帝深恩由微弁用至湖廣提督朕
擢授以松江緊要之任伊居官謹飭砥礪廉

隅但遇事瞻徇兼有罷軟之習是以調取來
京切加訓誨上年用爲古北口提督遵朕指
示辦理妥協無忝封疆之寄今聞溘逝深可
憫惻應得卹典察例具奏尋
賜祭葬如例諡僖恪

瑚圖列傳

瑚圖滿洲廂白旗人姓洪鄂氏順治十二年
以護軍校隨寧南靖寇大將軍陳泰出師湖
廣敗明桂王將盧明臣馮雙禮於岳州武昌

十七年隨安南將軍洛託赴福建敗海賊鄭
成功于廈門康熙二年授駐防江寧協領八
年擢江寧副都統十三年逆藩耿精忠叛
上命瑚圖同副都統瑪哈達率所部赴杭州
與將軍圖喇計兵事尋以賴塔爲平南將軍
瑚圖叅其軍務八月僞將軍馬九玉遣其將
胡錦等犯衢州至石梁瑚圖與副將王廷梅
李承恩分路迎擊賊潰奔崖山進圍之拾錦
時賊党小林別駐大溝源乘勝進擊大敗之

十月僞將馬四等率賊眾一由江山至錢塘
一由處州至林山謀犯衢州瑚圖分兵東西
夾攻陣斬僞將范安國王大頂等已而僞將
周列桑明率眾三萬屯焦園紅橋等處分路
擊之連破賊眾斬萬餘級十四年三月九玉
擁眾屯衢州西南夜渡水犯我營賴塔令瑚
圖廷梅往擊之敗諸杭埠斬殺甚眾餘賊多
溺死八月九玉遣其將李廷桂率賊七千營
於衢州北元口村設木城絕官軍糧道並據

東西山爲聲援瑚圖分兵擊敗兩山賊夜衝
賊營焚其木城賊敗遁十五年八月官軍破
賊于大溪灘復江山縣九玉走常山瑚圖追
之賊拒戰又敗之進圍常山賊夜開西門遁
追至江西玉山界賊大潰斬獲無算復常山
縣進克仙霞界拔浦城精忠窮賊詣康親王
傑書軍門降瑚圖隨軍駐福州十一月海逆
鄭錦將徐耀率衆三萬至烏龍江南營于小
門直鳳諸山謀犯福州康親王傑書遣瑚圖

同總兵董大來夾擊破賊營十四賊遁追四
十餘里尋以瑚圖防守泉州十六年三月泉
州城內外土賊四起瑚圖遣將領水陸分勦
盡殪之十月南安縣賊陳式陳角等樹旂揚
言欲犯泉州瑚圖令營長張廷輔副將朱起
龍分擊敗之斬陳角先是漳泉多寇南安賊
首李復貴同安賊首朱寅各據高山勾海逆
乘機剽掠康親王傑書令提督段應舉同瑚
圖分路進勦於復貴及寅之僞軍師林日向

等至是寅復犯陽杭小黃山瑚圖與三等台
吉查渾副都統鄔爾根追擊之三戰皆捷殺
賊千餘斬偽將謝良楊德瑚圖尋駐漳州十
七年二月海逆陷石瑪滬海澄瑚圖同海澄
公黃芳世副都統孟安應援敗賊於鸞腰樹
奪金門山進至觀音山賊陳福陳仁來拒擊
敗之賊奔下澗追之斬偽將洪結賊收餘党
於石瑪築壘拒官軍三月賊船二百餘乘潮
至壘中賊復出列相表裏瑚圖與芳世安營

令海澄總兵官黃藍潛師夾攻墮斬偽將朱
成高榮等十一人沉賊船九賊仍遁入壘海
澄圍解時官兵俱屯海澄石瑪漳州兵少瑚
圖同總督鄧廷相晝夜防守忽海逆連船數
百乘虛突犯入東閩擊以砲賊敗退復益船
擁眾至且勾山賊蔡寅由天寶山斷我糧道
瑚圖親督戰焚其船賊仍不退閩三月芳世
自海澄以兵來援大破賊眾寅始遁去時海
逆劉國軒吳淑等復破海澄陷長泰糧道復

阻賴塔令瑚圖帶甲八百防守要路九月賊
率賊萬餘逼漳城國軒營對河爲犄角城內
兵少適副都統沃申率兵千餘來援瑚圖
賴塔分路勦至蔗林遇伏我兵小卻斬退者
三人我兵奮進遂破賊陣連拔其營十六殺
賊過半賊退據長泰謀犯南靖我兵分二隊
進城列營蜈蚣山瑚圖沃申力戰自辰至未
賊大敗棄營走斬賊將鄭英何觀及賊衆四
千餘復長泰城賊退據江東橋橋爲漳泉往

來要道十月賴塔營橋西令瑚圖同沃申提
督石調聲取橋東岸乃由長泰繞道越朝天
嶺過龍江口深入賊巢賊以砲迎敵瑚圖等
奮勇衝擊賊棄寨奔船據橋口急擊之賊奔
出江遂通漳泉路十八年二月賊設伏四山
來誘我戰瑚圖同副都統雅達里分兵突至
山下伏盡起瑚圖等力戰不退賊大敗奔據
玉洲觀音山各寨十月賊屯鰲頭山窺江東
橋欲斷我路我兵四路迎勦瑚圖與副都統

清沙各目傳卷三十一
瑪思文爲一路擊敗之十九年三月我兵分
路勦賊瑚圖攻克玉洲各寨賊戰敗竄廈門
遂復海澄四月賊江欽等糾賊船鯨竄踞廣
東達濠島瑚圖隨賴塔至潮州沿海督勦水
陸並進賊退乘勝取磊石門賊來爭復擊敗
之又遇我水師夾攻賊大潰遁出外大洋尋
閩粵平定瑚圖回江寧任二十三年十一月
上南巡
駐蹕江寧

賜瑚圖蟒袍一十二月擢杭州將軍二十六
年三月卒于官得

旨瑚圖才品優長殫心盡職効力行間勞績
茂著及授杭州將軍復能和輯兵民不干預
地方事務行止清慎克盡厥職着從優議卹
尋議祭葬如例
特旨加祭一次諡敏恪

二格列傳

二格滿洲額白旗人姓富察氏康熙二十六

卷三十一
年由筆帖式授內閣中書歷遷理藩院郎中
詹事府少詹事四十四年遷詹事府尋擢內
閣學士四十五年五月教習庶吉士先是湖
廣總督石文晟劾奏容美土司田舜年私造
宮殿暴虐奸淫種種不法舜年叅草伊子田
昞如假捏昞如幼子田翼南年歲希圖承襲
並劾桑植土司向長庚容匿昞如抗不解審
六月
上命二格偕左都御史梅鋈赴楚會同文晟

等鞠之時舜年赴武昌申訴文晟拘之尋病
卒長庚亦解昞如聽勘九月會鞠梅鋈石文
晟各就一議具奏二格以訂佐未集獄辭未
定不便利議疏言昞如長庚已到案取供至
田舜年各款僅取族姪田暎如供詞梅鋈等
俱欲以現取口供完結臣以爲暎如與舜年
同被獲之人非舜年子弟伊親子及案內証
佐二十餘名無一到者未經質審處其多舜
年治病之醫及檢屍之知縣洪國輔俱未到

案舜年死未明白倫草率完結無以服眾土
司心得

旨總督石文晟原叅田舜年建造宮殿行兇
作惡是以羈留武昌今田舜年已故又具奏
欲息其事如土司抗拒不法則當發兵征勦
若無罪當反坐原叅之人朕意以爲二格所
奏爲是此事不便令督撫提督會審當再遣
大臣前往尋

命大學士席哈納侍郎張廷樞蕭矛藻察審

田舜年僭越濫縱各款俱虛其希圖承襲等
事屬寔應治罪已死無庸議田昫如暴戾虐
民抗不赴審已革職仍枷責安插內地向長
庚隱匿田昫如降四級留任並以革率具奏
革梅銷職總督石文晟及湖北巡撫劉殿衡
偏沅巡撫趙申喬提督俞益謨各降級罰俸
有差四十六年六月陝西盜犯朱璽魏學吾
行劫商州維南等處拒捕傷兵巡陞山澤千
總趙璉招降之

詔二格偕左都御史巢可托往勘寔朱壘等
寔因官兵四面圍困計窮出降與自首不同
論斬決從犯流徙寧古塔被脅百餘人俱免
罪承審官未能得寔各分別降革四十七年
正月充
經筵講官初湖廣鎮筸紅苗劫靖江營民爲
官兵捕獲守備王應瑞訪知營所在遣兵入
寨欲援以出苗民拘留之戕一卒總兵雷如
私釋所獲苗民易兵以歸事

閏二月

特命二格往訊得寔苗犯廖老宰等俱梟示
雷如照故縱罪囚律革職枷責王應瑞擅動
軍馬發邊充軍十月遷禮部右侍郎五十年
八月轉左雍正元年三月卒

沃申列傳

沃申滿洲正紅旗人姓鈕祜祿氏崇德五年
以前鋒從大兵征明圍錦州克松山順治元
年隨睿親王多爾袞入山海關破流賊李自

南州名臣傳

卷三十一

三十一

成於保定復隨都統葉臣徇下直隸諸郡進
征山西四年隨將軍喇哈達征陝西擊賊帥
王雲祥於蒲城縣先登九年以功授騎都尉

世職

賜號巴圖魯十二年補叅領十三年隨寧海
大將軍宜爾德征舟山屢敗偽總制陳六御
等十四年叙功加一雲騎尉康熙元年授協
領十三年六月擢杭州副都統以逆藩耿精
忠叛浙東告警總督李之芳令沃申同副都

統雅達里石調聲固守衢州尋調守金華府
七月耿逆偽都督閣標自溫處來犯沃申擊
其先鋒徐君美敗之復逼府城迎擊大敗之
生擒標斬獲無算十月偽都督葉鍾犯浦江
縣沃申城守令都司陳夢陽由蘭谿迎擊追
至石塘園斬偽將金春焚其壘而還時凌霞
諸土寇從賊受偽職聚眾滋擾沃申同調聲
勦之斬千餘級潰其眾尋奉康親王傑書檄
往會貝子傅喇塔勦台州賊行至義烏縣遇

偽都督趙明卿迎戰擊走之十四年二月同
副都統伯穆赫林攻取仙居縣經白水洋偽
將林冲陳啟秀率眾萬餘連營十三來拒沃
申分兵二隊各分左右翼合營總薩木哈領
頭隊當賊左六營令侍衛卦塔領二隊當賊
右七營戰移時賊不退沃申直前擊之連破
二營乘勢追斬三千餘時偽都督朱富屯太
平縣聞我兵至復從叛鎮會養性乞兵守招
之不降沃申伏兵城西而以雲梯攻其東南

北三面賊果開西門遁伏兵起於富盡勦城
內餘党進屯仙居縣會台州賊踞險我兵隔
江不能攻聞仙居有路通黃岩可襲賊後傅
拉塔令沃申鑿石伐木夜步進入月師次半
山嶺偽都督劉邦仁率賊分兩路來沃申身
先士卒大破之進次梁蓬隘口復擊斬偽將
王仲祿等降偽官二十餘兵民三萬六千餘
養性及偽將軍祖宏勲遁福建十五年三月
養性等糾瑞安石塘賊分入路來犯沃申同

清江雜錄卷三十一

三十一

副都統吉爾塔布先後擊敗之斬偽都督孫
可得等三百餘殲二萬五月傳喇塔奉
詔由處州進征福建沃申從八月耿逆遣其
將連登雲據浦城縣之石塘阻我入閩兵沃
申同副將陳世凱擊連破九營進復雲和縣
會康親王大兵已拔江山常山等縣復建寧
延平二府耿精忠詣軍門降招回養性宏勳
王令沃申同穆赫林守延平十二月海賊鄭
錦遺偽都督吳淑取邵武尋犯延平營于木

城新屯渡別遣其弟潛據浦塘隘口沃申率
守兵擊敗潛乘勝渡河攻木城賊潰追之遇
偽將楊德來授又敗之小河岸斬首萬餘生
於偽總兵阮信降偽將彭世勳等邵武汀州
相繼復海寇聞風竄泰寧建寧寧化長汀清
流歸化連城諸偽官相率迎降會賊首朱寅
寇泉州爲官兵所敗遁入海中石井寨十六
年十月我兵分三路進勦沃申同副都統孟
安由東路遇賊將何祐以舟屯清寺別營江

西岸塔岡山拒我師沃申等擊破其營克清
寺十七年九月沃申援漳州大破賊於龍虎
山斬僞將鄭英吳潛等賊棄寨登船據江東
橋十一月復同浙江提督石調聲奪江東橋
通漳泉路十八年十月賊遣僞都督林盛屯
東石東石近泉州爲金門廈門門戶寧海將
軍喇哈達令沃申取之沃申造雲梯進次靈
水東石三面皆海賊嬰城固守沃申精選前
鋒架雲梯候潮落齊進親薄壕指揮遂拔之

斬僞將林英生於僞總兵陳深俘獲甚衆石
井白沙諸賊皆望風遁燬其營十九年二月
賊遣僞都督林深與我水師相拒復遣其將
張志於大定小定募水師梗我船道適泉州
無船沃申奉喇哈達令從店頭陸路進至大
定海岸乘潮退急擊奪賊中寨追至小定賊
上船遁斬僞將陳飛龍等降其衆渡難民五
千二百餘時官兵已復海澄沃申乘勝渡海
取尾高溪與漳州兵夾攻廈門金門克之招

日中
正
圖

問
厚

降倭官三十餘賊遁出大洋六月康親王班
師奏沃申防守泉州二十一年追議沃申前
在江山縣失守戰死者未收骸在金華違速
取温州軍令在台州未能勦滅小梁山寇功
不敵罪盡奪其職三十年五月卒

滿洲名臣傳卷三十一終

天保三

